

ԲԱՆԱՎԵՃՐ ԿԸ ՇԱՐՈՒՆԱԿՈՒԻ

Կիպրոսի Մելգոնեան Կրթական Հաստատութեան փակման հարցի շուրջ բանավէճը կը շարունակուի եւ երեկ խմբագրութիւնս նամակ ստացաւ նախկին Մելգոնեանցիէ մը՝ Արման Այալբունէ, որ ներկայիս Գանատայի մէջ կը բնակի:

Յարգելի Խմբագրիր-Խմբագրուիի,

Որքան որ փափաքելի է լսել տարբեր տեսակէտներ հարցի մը շուրջ, նոյնքան կարեւոր է այդ տեսակէտներու ներկայացման լիու ճշգրտութիւնն ու տուեալներու անշփորտութիւնը:

Տիկին Լաուրա Յովսէփեանի հայրենասիրական արտայայտութիւնները ո՞չ մէկ առարկութեան ծնունդ կուտան: Սակայն երբ ան նոյնիսկ հարեւանցի կերպով կը հպի ՀՔԸՄի անարդարանալի որոշման, արդարանալի եզր մը որոնել տոյն կազմակերպութեան անցեալին գործածած անտրամաբան, ձախորդ ու անհիմն պատճառաբանութիւնները, կրկնակի ներկայացնելով մեզի Մելգոնեան Կրթական Հաստատութիւնը (ՄԿՀ)ն փակելու, չենք կարող լուրեամբ անտեսել զայն, որքան որ անտեսուելու արժանի ըլլայ այդ:

ՄԿՀն ապօրինի կերպով փակելու որոշում տալը եւ գոյացած հասոյրը Հայաստան փոխադրելու առաջադրումը ո՞չ հայրենասիրութիւն է, ոչ ալ հայրենիքին օգնութիւն: Հայաստան ունի իր անքի դպրոցները, որոնցմով տեղույն ու շրջակայքի կրթական կարիքները լիովին կը բաւարարուին, իսկ Սփիտքի կարեւորագոյն կրթօճախներէն մին, ՄՀԿն քանդելու «բարեգործ» որոշումը, զայն յաւերժ կորստեալներու ցանկին կ'աւելցնէ:

Ամենամեծ սխալն է գերադասական բաղդատութեան ենթարկել Հայրենիքն ու Սփիտքը: Ծակատագրական դիպուածներու պատճառով, վերջին իննուն տարիներու ընթացքին կերտեցինք Հայ Սփիտք մը, Հայաստանի կողքին: Սփիտքը դարձաւ մեզի հայրենիք: Հաւաքական ու անհատական մեծ զոհողութիւններով գեղարուեստի, գիտական, առեւտրական միջազգային չափանիշներով կրթական կորողներ հիմնեցինք, որոնցմէ մին է ՄԿՀ:

Ուրեմն որքան որ Հայրենիքի երազն ու սէրը Սփիտքահայութեան համար եղաւ խթան հայ մնալու, նոյն չափով Սփիտքի մեր գոյութիւնը եղաւ յոյս՝ Հայաստանի ամենադժուարին շրջաններուն: Ներկայիս Հայաստան, նախկին Սովետական երկիրներէն ամենակայուն ու յառաջադէմներէն մին է, մասամբ Սփիտքահայութեան ջանքերուն շնորհիւ: Ծայրայեղ կարճատեսութիւն է ՀՔԸՄի ու իր գաղափարակիցներուն համար ինքնակոչ հանգամանքով քանդել ու վաճառել ազգային հաստատութիւններ, անկեալ լումայի ու «փոխադրել» զանոնք Հայաստան: ՄՀԿի պատճական կարեւորութիւնը, յաջողութիւնն ու իմաստը Կիպրոսի մէջ է միայն, ոչ այլուր: Մնաց որ, Տիկին Յովսէփեանի ձեռք զարկած նիւթին կորիզը ո՞չ հայրենասիրութեան, ոչ ալ ինչպէս կը գրէ. «Հայկական

դպրոցը կը պահենք... եթէ տրամաբանական յարաքերութիւն պահէ, օգուտի ու ծախսի միջեւ»ի վրայ հիմնուած է:

Ենթադրութեանս մէջ կրնամ սխալած ըլլալ սակայն այնպէս կը թուի թէ Տիկին Լառուա Յովսէփեան Մելգոնեան եղբայրներու, Պոլսոյ Պատրիարքին եւ ՀՔԸՄի միջեւ ստորագրուած Պայմանագրութեան կամ տեղեակ չէ կամ այդ պայմանագրութեան օրինական ու բարոյական պատասխանատուութեանց կարեւորութիւնը կ'անտեսէ:

Օրինապէս որեւէ կազմակերպութիւն գերադաս չէ եւ ինքնազլուխ չի կրնար գործել իրեն վստահուած Կտակ-Պայմանագրութեան մը առօրեայ մատակարարութեան սահմանագիծերէն: Բարերարները Կտակին ո՛չ մէկ համարին մէջ կը յայտնեն թէ ՄԿՀի դրամագլուխն ու կալուածները ՀՔԸՄի սեփականութիւնը կը դառնան:

Անոնք յստակ տեսիլը ու բծախնդիր մանրամասնութեամբ պատրաստած են իրենց Կտակը, նախատեսելով ամէն տեսակի պատահար, մասնաւրաբար նիւթականի մատակարարութիւնը ապագայի նկատմամբ:

Այդ Կտակ-Պայմանագրութիւնը ո՛չ մէկ կէտի մէջ կ'արդարացնէ ՀՔԸՄի ծախսերու պատրուակով տուած պատճառաբանութիւնները ՄՀԿն փակելու: Եթէ ՀՔԸՄի վարչութիւնները յարգած ըլլային Մելգոնեան եղբայրներու Պայմանագրութեան կանոնները՝ ՄԿՀ ցկեանս ինքնաբաւ պարտէր ըլլալ:

Գալով Տիկին Լառուա Յովսէփեանի մնացեալ չքմեղանքները, որոնք կրկնութիւններն են ՀՔԸՄի եւ իր խօսնակներուն հեղինակած յանկերգներուն՝ հետեւեալ պատասխաններուն կը կարօտին. նկատի ունենալով որ ՀՔԸՄ օրինատր, բարոյական ու էական որեւէ պատճառ չունի ՄՀԿն փակելու նիւթական անբաւարարութեան կամ այլ պատճառներով, բացի, եթք Մելգոնեան բարերարներու հսկայական դրամագլուխը անհաշիւ ծախսուած ըլլայ տարիներու ընթացքին՝ ատոր պատասխանատունները միայն ՀՔԸՄի վարչութիւնները կրնան ըլլալ եւ ո՛չ թէ Տիկին Յովսէփեանի երեւակայած «անհամեմատ ծախսը»:

Տիկինը կը շարունակէ. «Հայ դպրոց պահելը որպէսզի տասնեակ մը աշակերտներ կարողանան անզիփական համալսարանները յաճախել, քիչ մը շատ շոայլութիւն չէ՝ մեր փոքր ազգի համար»: Արդարեւ, եթէ փակենք ՄԿՀն արգելք հանդիսանալով տարեկան այդ քանի մը տասնեակ աշակերտներուն անզիփական համալսարանները յաճախելուն, այն ատեն չէ՝ որ մեր ազգը աւելի պիտի նուազի ու փոքրանայ: «Հայկական դպրոցը կը պահենք... միայն... եթէ օգուտ բերէ ազգին...»: Արդեօք Տիկինը ըսել կ'ուզէ թէ ՄԿՀն օգուտ չի՝ բերեր ազգին: Ինչպէս վերեւը նշեցի՝ պիտի բաւականամ պարզապէս կրկին յիշեցնելով թէ գաղափարներու համակցութիւնը ու տուեալներու ճշգրտութիւնը միշտ քաջալերելի ու փափաքելի է նմանօրինակ հարցերու մէջ:

Ընդհանրապէս ՄԿՀի աշակերտութեան թիւը եղած է համեստ (շուրջ երկու հարիւր) ոչ թէ աշակերտներուն պակասին պատճառով, այլ նոր աշակերտներու համար յառաջադէմ ու ցայտուն յայտարարութիւններու պակասին պատճառով:

Փակեմ փոքր լուսաբանութեամբ մը. հակառակ որ Մելգոնեան եղբայրները իրենց Կտակ-Պայմանագրութեան մէջ ամէն տեսակի հաւանականութեանց մանրամասնութիւններ եւ ուղեգիծեր որոշած են, ՄԿՀն փակելու ոչ մէկ նախատեսութիւն կը ներկայացնեն, որովհետեւ Հաստատութեան նիւթական բոլոր կարիքները ապահոված են անոնք իրենց հսկայական դրամագլուխի եւ կալուածներու նուիրատուութեամբ ՄԿՀն յաւիտեան շարունակելու։ Ընդհակառակը, անոնք նախատեսած են ՀԲԸՄի ձախողութեան կարելիութիւնը, որու պարագային ՄԿՀի տնտեսութիւնը պարտի փոխանցուիլ վարիչ մարմնի մը, որ թէ՛ փափաքով, թէ՛ ալ կարող՝ Մելգոնեան եղբայրներու երազը, փափաքն ու Կտակ-Պայմանագրութիւնը տեսականացնելու հայ ազգին բարօրութեան համար։

ԱՐՄԱՆ ԱՅԱԼԹՈՒՆ

(Մելգոնեանցի)

Ուանքուվըր, Գանատա